

STORDAL KOMMUNE
Kontrollutvalet

MØTEINNKALLING

01.06.2011

Kopi til: Ordføreren
Revisor
Rådmannen

Medlemene av
Kontrollutvalet

INNKALLING TIL MØTE I STORDAL KONTROLLUTVAL

Det blir med dette kalla inn til møte i kontrollutvalet

måndag, 06.06.2011 kl. 14.00
på rådhuset

SAKLISTE:

- Sak 08/11 - Godkjenning av møtebok frå møte 26.05.2011
- ” 09/11 - Årsmelding 2010 - Stordal kommune
- ” 10/11 - Kommunerekneskapen 2010 - Stordal kommune

Eventuelt

Dersom det er vanskeleg å møte, gje melding på telefon 70 17 21 58 eller 97 60 57 83 til dagleg leiar eller e-post kontrollutval@kontrollutval.no

Ingrid Løset
leiar
(sign.)

**KONTROLLUTVALET I
STORDAL KOMMUNE**

MØTEBOK

Møtedato: 26. mai 2011, kl. 16.30

Møtestad: Stordal Rådhus

Møtet vart leia av: Ingrid Løset

Elles til stades:

Reidun Torpe Langhaug og Ottar Røren

= 3 voterande

Rune Støversten hadde meldt forfall

Frå kontrollutvalsekretariatet møtte dagleg leiar Harald Rogne og advokat Kjetil Kvammen

Frå kommunerevisjonen møtte dagleg leiar Kjetil Bjørnsen.

Frå Stordal kommune møtte ordførar Carles Tøsse og rådmann Lars Joranger.

Det var ingen merknader til innkalling og sakliste

SAK 04/11

GODKJENNING AV MØTEBOK FRÅ MØTE 14. APRIL 2011

Kontrollutvalet sitt samrøystes vedtak:

Møtebok frå møte i kontrollutvalet 14. april 2011 blir godkjent.

SAK 05/11

**KORRESPONDANSE VEDKOMANDE KONTROLLRAPPORTEN OM
SKATTEOPPKREVJARFUNKSJONEN I STORDAL KOMMUNE**

Saksutgreiing frå kontrollutvalsekretariatet datert 19.05.2011.

Kontrollutvalet sitt samrøystes vedtak:

1. Kontrollutvalet tek Rapport etter kontroll av skatteoppkrevjarfunksjonen ved Nordre Sunnmøre kemnerkontor, 01 2010 til orientering.
2. Kontrollutvalet har pålegg og tilrådingar som kjem fram i rapporten til obsevasjon.

SAK 06/11

KONTROLL POSTJOURNAL, PRAKTISERING AV OFFENTLEGLOVA OG SVARFRISTAR

Saksutgreiing frå kontrollutvalsekretariatet datert 26.05.2011.

Kontrollutvalet si samrøystes innstilling:

1. Kommunestyret viser til rapport om praktiseringa av offentleglova, journalføring, svarfristar m.m. og ber administrasjonen vurdere å gjennomføre dei forslaga til forbetringar som rapporten inneheld, jf. pkt.7.
2. Rapporten blir elles teken til vitande.

SAK 07/11

REVISJONSMELDING 2010 - STORDAL KOMMUNE DATERT 15.04. 2011

Saksutgreiing frå kontrollutvalsekretariatet datert 19.05.2011.

Kontrollutvalet sitt samrøystes vedtak:

Kontrollutvalet tek saka til orientering.

Ingrid Løset
leiar
(sign.)

Reidun Torpe Langhaug
medlem
(sign.)

Ottar Røren
varamedlem
(sign.)

SUNNMØRE
KONTROLLUTVÅLSEKRETARIAT IKS

Kontrollutvalet

Dato: 01.06.2011

SAK 09/11
ÅRSMELDING 2010 - STORDAL KOMMUNE

Som vedlegg følger:

- Årsmelding 2010 – Stordal kommune

Etter § 10, 3. ledd i forskrift om årsrekneskap og årsmelding, skal administrasjonssjefen innan 31. mars utarbeide årsmelding, og fremje denne for det organ kommunestyret bestemmer. Dersom årsmeldinga ikkje blir fremja for kontrollutvalet, skal den oversendast kontrollutvalet før kontrollutvalet gir sin uttale til årsrekneskapen.

Årsmeldinga skal ligge føre til behandling i kommunestyret samstundes med at årsrekneskapen blir behandla.

På bakgrunn av ovanstående legg ein saka fram for kontrollutvalet med forslag om slikt

v e d t a k :

Kontrollutvalet tek årsmelding 2010 for Stordal kommune til orientering.

Harald Rogne
dagleg leiar

**SUNNMØRE
KONTROLLUTVÅLSEKRETARIAT IKS**

Kontrollutvalet

Dato: 01.06.2011

**SAK 10/11
KOMMUNEREKNESKAPEN 2010 – STORDAL KOMMUNE**

Som vedlegg følger:

1. Revisjonsmelding til kommunerekneskapen 2010 - Stordal kommune
2. Stordal kommune - kommunerekneskapen 2010

Av Forskrift om kontrollutval i kommunar og fylkeskommunar § 7, framgår det at kontrollutvalet skal gje (desisjons-) uttale om årsrekneskapen til kommunestyret før årsrekneskapen blir vedtatt. Kopi av kontrollutvalet sin uttale skal vere formannskapet i hende før formannskapet gjev si innstilling om årsrekneskapen til kommunestyret.

Kontrollutvalet skal kontrollere at årsrekneskapen er ført i samsvar med lover og reglar og om kommunestyret sine målesetjingar er oppfylt. Kontrollutvalet kan følgjeleg føreslå endringar i årsrekneskapen, dersom det er skjedd føringar i strid med gjeldande regelverk. Grunnlaget for behandlinga har vore den avlagte årsrekneskapen, revisjonsmeldinga og administrasjonssjefen si årsmelding. I tillegg har ansvarleg revisor og administrasjonen supplert kontrollutvalet med relevant informasjon.

På bakgrunn av ovanstående legg ein saka fram for kontrollutvalet med forslag om slik

Uttale:

Stordal kommune sin rekneskap for 2010 blir godkjent

Harald Rogne
dagleg leiar

Kopi: Kontrollutvalet
Formannskapet
Rådmannen

Kommunestyret i
Stordal kommune

REVISJONSMELDING 2010 – STORDAL KOMMUNE

Uttale om årsrekneskapen

Vi har revidert årsrekneskapen for Stordal kommune, som er sett saman av balanse per 31. desember 2010, driftsrekneskap som viser kr 53 609 259,40 til fordeling drift og eit rekneskapsmessig mindreforbruk på kr 205 817,65, investeringsrekneskap, og økonomiske oversikter for rekneskapsåret avslutta per denne dato, og ein omtale av vesentlege rekneskapsprinsipp som er nytta, og andre noteopplysningar.

Administrasjonssjefen sitt ansvar for årsrekneskapen

Administrasjonssjefen er ansvarleg for å utarbeide årsrekneskapen og for at den gir ei dekkande framstilling i samsvar med lov, forskrift og god kommunal rekneskapsskikk i Noreg, og for slik intern kontroll som administrasjonssjefen finn nødvendig for å gjere det mogleg å utarbeide ein årsrekneskap som ikkje inneheld vesentleg feilinformasjon, korkje som følgje av mislegheiter eller feil.

Revisor sine oppgåver og plikter

Oppgåva vår er, på grunnlag av revisjonen vår, å gje uttrykk for ei meining om denne årsrekneskapen. Vi har gjennomført revisjonen i samsvar med lov, forskrift og god kommunal revisjonsskikk i Noreg, herunder International Standards on Auditing. Revisjonsstandardane krev at vi etterlever etiske krav og planlegg og gjennomfører revisjonen for å oppnå rimeleg tryggleik for at årsrekneskapen ikkje inneheld vesentleg feilinformasjon.

Ein revisjon medfører utføring av handlingar for å innhente revisjonsbevis for beløpa og opplysningane i årsrekneskapen. Dei valde handlingane avheng av revisor sitt skjønn, herunder vurderinga av risikoane for at årsrekneskapen inneheld vesentleg feilinformasjon, anten det skuldast mislegheiter eller feil. Ved ei slik risikovurdering tek revisor omsyn til den interne kontrollen som er relevant for kommunen si utarbeiding av ein årsrekneskap som gjev ei dekkande framstilling. Formålet er å utforme revisjonshandlingar som er formålstenlege etter tilhøva, men ikkje å gje uttrykk for ei meining om effektiviteten av kommunen sin interne kontroll. Ein revisjon omfattar også ei vurdering av om dei rekneskapsprinsippa som er nytta, er formålstenlege, og om rekneskapsestimata som er utarbeidd av leiinga, er rimelege, og ei vurdering av den samla presentasjonen av årsrekneskapen.

Etter vår meining er innhenta revisjonsbevis tilstrekkeleg og formålstenleg som grunnlag for vår konklusjon.

Konklusjon

Etter vår meining er årsrekneskapen avgjeven i samsvar med lov og forskrifter og gir i det alt vesentlege ei dekkande framstilling av den finansielle stillinga til Stordal kommune per 31. desember 2010, og av resultatet for rekneskapsåret som vart avslutta per denne datoen i samsvar med lov, forskrift og god kommunal rekneskapsskikk i Noreg.

Uttale om andre forhold*Konklusjon om budsjett*

Basert på vår revisjon av årsrekneskapen slik den er omtalt ovanfor, meiner vi at dei disposisjonar som ligg til grunn for årsrekneskapen er i samsvar med budsjettvedtak, og at budsjettbeløpa i årsrekneskapen stemmer med regulert budsjett.

Konklusjon om årsmeldinga


Basert på vår revisjon av årsrekneskapen slik den er omtalt ovanfor, meiner vi at opplysningane i årsmeldinga om årsrekneskapen er konsistente med årsrekneskapen og er i samsvar med lov og forskrifter.

Konklusjon om registrering og dokumentasjon


Basert på vår revisjon av årsrekneskapen slik den er omtalt ovanfor, og kontrollhandlingar vi har funne nødvendige etter internasjonal standard for attestasjonsoppdrag (ISAE) 3000 «Attestasjonsoppdrag som ikkje er revisjon eller forenkla revisorkontroll av historisk finansiell informasjon», meiner vi at leiinga har oppfylt si plikt til å sørge for ordentleg og oversiktleg registrering og dokumentasjon av kommunen sine rekneskapsopplysningar i samsvar med lov og god kommunal rekneskapsskikk i Noreg.

Andre forhold

Denne meldinga erstattar tidlegare revisjonsmelding, datert 15.04.2011, som vart avgjeven ved utløpet av forskrifta sin frist for å avlegge revisjonsmelding. Fullstendig årsrekneskap var på dette tidspunkt ikkje avgjeve av administrasjonssjefen, og årsmelding låg ikkje føre.



Kjetil Bjørnsen
dagleg leiar



Knut Gunnar Alnes
registrert revisor